

王
船
山
遗
书

王

船

山

遺

書

永麻實錄卷十八

船山遺書二十六

衡陽王夫之譚

二張列傳

朱嗣敏周鼎翰

萬年策田闕附

揭重熙

劉季鏞等

張家玉字子元廣東東莞人年甫十九中崇禎癸未進士
改庶吉士卓犖不隨時俯仰北都陷家玉衣斬衰哭思宗
皇帝于東華門扣額搶地血出被面宛轉號啼不能起賊
守者義之縱之逸遂南奔歸里思文皇帝立于閩以薦召
見上素重其節槩奏對尤稱旨授翰林院編修兼吏戶兵
三科給事中爲御營贊畫俄奉使至廣東未復命閩陷家
居蘇觀生立唐王聿錫要家玉同事不聽上自肇慶以左

中允召家玉乃拜命道阻未赴李成棟陷廣州家玉毀家
招義兵據東莞與陳子壯相應○巡撫王芋當崇禎末厯
官僉都御史與家玉舊相知聞至是遣書敦勸家玉髣髴
出降略云楊子爲我拔一毛而利天下不爲軻也譏之先
生何愛一毛而不以利宗族鄉黨耶家玉得書大罵曰老
賊不死乃敢侮孟子因答書責之曰兩都繼陷三君蒙恤
玉謂公爲國大臣必久已死而尙存乎公豈不聞哭先帝
于賊廷者爲誰而今欲以淫詞汚君子之耳哉芋大怒遣
兵攻之家玉扼險拒戰相持數日芋益兵大至家玉騎馬
督陣過水次馬驚墜水死義軍潰芋進兵屠之餘眾走

入海永厯二年廣東反正家玉以事聞詔贈家玉詹事
府少詹事兵部侍郎謚文烈家玉詩材亢爽于軍中作悲
憤詩百餘首其弟梓行之有云與同喪狗生無賴縱比流
螢亦有光其志操可睹矣

張同敞別號別山湖廣江陵人故大學士居正之曾孫也
少超雋尚忠義爲諸生有文名工詩歌悲壯開朗不爲近
今之調善行草及八分書崇禎三年上芳崇綜核追錄居
正功復其廕同敞意在科舉遲回未就久之乃應詔出補
中書舍人崇禎十五年奉勅戒諭定蜀宗藩未復命而北
都陷同敞奉哀詔哭踊絕食者數日自以世受國恩而蒙

先皇帝祓濯家世恩紀尤重遂冠六網巾衣布素撤音樂
以終其身所領朝參牙牌佩之出入未及繳至是中朝典
物淪沒唯同敝牙牌獨存乃爲度明懸奉之每旦必鞠躬
修敬焉宏光中自以視居喪禮不朝荆土陷賊漂泊江
湖開思文皇帝立乃就閭陞見復治錄居正邊功改錦衣
衛指揮使非其好也以不欲沒祖功姑就之奉勅使湖南
聞陷謁上于全州隨駕入武岡惡馬吉翔郭承昊恥與同
列復就中書班改編修充誥勅撰文官擢侍講不合于劉
承允奉勅出寓靖黔開永歷三年春崎嶇達桂林會何騰
蛟敗沒于湘潭楚師驚潰入廣西依何文瑞文瑞不能禮

上命瞿式耜兼督楚師式耜奏薦同敞忠勇負宿望當任
以楚事乃以少詹事兼兵部右侍郎督師復楚同敞至性
過人局度恢廓每鼓厲諸將輒流涕被面諸將翕然欽感
之楚西諸帥馬進忠等皆奉節制同敞盡瘁行閒身無餘
衣廚無兼肉尤爲諸武人所重永曆四年春督諸軍下全
州復東安圍永州糧不繼而退朝廷自失騰蛟經理錯亂
散遣監督事權不一何文瑞以故督予仍督滇旅朱嗣敏
以御史擢僉都監曹志建軍萬年策以僉事自請纓擢兵
部侍郎督王馬營馬進忠又自以意請毛壽登爲其軍督
唐誠吳李芳皆居喪墨經用翰林兼部院銜分督馬進忠

王進才軍猥沓倚附諸將尤輕狎之同敞亦爲所搖擲莫能自行其志每午夜秉燭起歛歔悲吟以寄意永厯四年春大學士嚴起恆奏何文瑞忠勳之裔年少文弱當令讀書史館爲皇上親臣不宜遣親戎行當舉楚事一委之張同敞則於國家大計與篤念世臣之恩竝行不悖上乃解文瑞兵柄一付同敞然所督者滇楊及馬養麟而已同敞行視嚴關與胡一青議守桂之策阻要害樹柵立壘以待馬進忠之東方圖進取會梧州詔獄起同敞疏言朝廷方在危迫不宜用北寺獄拷掠言官王化澄怒擬旨答云詔獄廷杖祖宗舊制爾獨不念爾祖居正之杖鄒元標乎同

敞大恚以辱詆其祖抗疏伸理尤爲化澄所恨會于元煜
自楚西來詣闕求督楚師化澄遽擢元煜兵部尙書兼副
都御史盡督王馬滇楊之兵以奪同敞權元煜者故大學
士慎行之孫昏耄猥墨尤爲物論所不齒旣至桂林飾女
以嫁趙印選印選遂擁之爲軍主與同敞抗滅胡一青軍
食嚴關守兵皆餒一青退屯大榕江口孔有德來攻印選
不援一青孤軍潰印選遽攜帑走有德進兵薄桂林同敞
單騎麾兵兵皆驚散不聽同敞馳入城見瞿式耜曰同敞
不歿于陣者爲不欲曖昧自斃耳願與秉燭行酒各賦絕
命詩是夕有德屯兵城西北火光燭城中城門無守者同

敞據枕酣臥鼾聲如雷黎明起與式耜沐櫛整冠服坐署
中從者皆散□兵入被執見有德同敞瞋目戟手向有德
曰麾下從毛將軍起海上受朝廷恩命官三品今國且垂
亡吾以麾下爲久矣而尙存耶或者吾殆見鬼乎有德
大怒命壯士曳之仆地捶之折一臂一目突出同敞大呼
曰叛國賊速殺我國士不可辱也有德知不可屈命曳之
出與式耜同繫有德遣降吏彭而述王三元來勸降式耜
言四世受國恩爲朝廷大臣但祈一死必無降義同敞曰
先生奈何以此與戴犬豕頭人語迅雷豈爲蟄蟲設耶繫
閒與式耜唱和詩各十餘首流傳人間金堡集而行之居

旬日有德復召之入置酒與飲殽肉置地鋪氈命坐同敞
植立不揖以足蹴肉傾之曰此犬豕食何污吾目有德令
置繩牀食案同敞不肯就坐曰囚首短衣豈飲食時耶有
德命取巾衫與之同敞正冠整襟向有德揖稱謝有德曰
汝固不揖我而今何揖也同敞曰麾下惠我以冠服我將
服之以灰上見先皇帝于在天下見先人于九原麾下真
善我灰者吾知己也故揖謝乃就坐舉酒屬式耜曰先生
且強飲座中孰爲□□□□皆我中國文武衣冠吏士特
一念之差遂成□□使孔參戎一轉念庸詎不可同爲社
稷灰乎有德目攝之明日遂遇害桂林不見雪者十五年

矣同敞臨刑之曰雪霰雜下林岫皆白雷電交作同敞顧
謂式耜曰此豈非先生及敞乎式耜笑而頷之同敞姿幹
清偉目灼灼光出睫外言笑軒爽文筆遒勁給事中陳泰
來殉難于閩家人避難楚西徭峒游兵或擾之同敞大書
其門曰忠臣孝子之家烈風雷雨且將聽命而況人乎擲
筆顧坐客曰此志氣之必然無足疑者吾輩死當有以驗
之其刑也果如其言致雷雪之異焉同敞晚生一子方在
襁桂林陷不知所之

朱嗣敏字兼五直隸懷甯人頗工詩善行書以諸生參江
督呂大器軍謀用功貢授衡陽教諭中湖廣丙戌鄉舉嚴

起恆奏授中書舍人歷粵楚軍中改御史監焦璉曹志建
軍擢僉都御史方受命桂平陷上奔南甯嗣敏崎嶇走賀
縣入志建軍中鼓勵志建固守不降未幾以疾卒嗣敏文
辯有餘非軍旅才其爲監督也坐嘯而已顧守正不媿阿
于彊帥張同敞重之

萬年策字獻之貴州平溪人以鄉舉任鄖陽府同知守鄖
有功擢監軍僉事丁憂歸里年策歷官疆場與馬進忠相
知聞及進忠湘潭劬退屯武靖閒年策赴之進忠自失何
騰蛟無所推承意年策習行伍可與共事年策亦歆然自
任入見行在白請督楚師朝廷意其能得王馬諸軍要領

遠擢兵部侍郎兼副都御史賜尚方劍出年策旣無殊才
抑老矣不能馳驅奉命至靖州進忠屯新甯與相左口兵
猝至驚遁歸里凡自何騰蛟沒後楚兵星散請纓監督者
凡十餘人皆無一兵可將求附于諸將寓食而已其自以
起義召募成軍者唯劉季鏞揭重熙
揭重熙字祝萬江西臨川人蚤歲文思敏贍與同邑陳際
泰齊名以五經應鄉會舉中崇禎丁丑進士官主事宏光
中撫建汀贛之閩王宋三姓據簾子洞倚山爲寇張肯堂
李永茂勦撫之未定隆武元年江西陷重熙乃誘令歸正
爲義軍以抗口兵以事上聞授重熙僉都御史督江福義

旅重熙以便宜授諸渠帥劄官遂據撫州金聲桓反正檄重熙解兵重熙姑令退屯山中聲桓之自贛歸守南昌也畱劉一鵬守撫建相接應旣而□兵圍合一鵬不能赴援南昌陷一鵬棄撫州走就重熙于山砦重熙收輯之與義軍合出攻臨川永豐興國迭有收復未能守也重熙開道入奏詔加兵部侍郎便宜行事軍旣孤懸莫與策應兵冗糧絕眾漸離散□兵四面來攻大敗兵潰劒重熙遂遇害劉季鏞字安世江西吉水人大學士劉同升之子也隆武中以貢授翰林院待詔歸里吉安陷季鏞走湖南謁上于武岡改簡討尋擢中允與周鼎瀚不合觸劉承允馬吉翔

怒有旨謫外季鑛遂請終制已乃奉勅復原銜兼僉都御史聯絡江楚義旅墨纓行事季鑛志節清峻高自標舉故娶李元鼎女元鼎降□季鑛遂出其妻顧年少喜功名無持重意輕何騰蛟與不相下銜勅開道走衡永所至慕義者津送之至鄱縣遂糾眾起號召響應復鄱茶陵興甯永興嘗甯諸縣以便宜鑄小印如拇大輒授副總兵職方主事以下文武吏及郡邑守令頗不擇人而授漸失物望何騰蛟厭而裁抑之永麻三年春騰蛟敗沒江西再陷季鑛所統義兵多駭散堵允錫標將彭嵩年向文明及金聲桓部將蓋遇時屯聚郴韶間季鑛收撫之尙未能得其要領

南至韶州將入見朝廷以其陳請繁疊薄之不召以兵部
侍郎仍兼原銜出圖江楚帥標兵數百人至黃埠司民變
起圍季鑛兵潰敗遂遇害季鑛兄伯欽仲錚皆清節士也
伯欽字安期尤敦長者行仕至太僕少卿以不鬣髮爲□
吏所執繫南昌獄不屈久之釋歸卒仲錚字安禮舉于鄉
亢節不仕□隱于梅川吉安人士慕文山遺烈不肯屈節
者比肩相屬諸劉而外有廬陵甘永安福周珮歐陽霖陳
觀周鼎瀚之弟鼎泗皆鄉舉也甘永字方不從萬元吉軍
中題授兵科給事中兵敗走歿周珮字以連文筆清放氣
致超雋廬陵舉人黃震象鼎象兄弟固裨闔士南昌陷遽